




ՄԱՅՐ ԱԹՈՌՈՒՄ

Հունիսի 1-ին, կիրակի.—Ձկնի հագեցալըստեան: Սկիզբն Յարութեան Կիրակէից. Յիշատակ Նիլայի մարգարէին.

Մայր տաճարում պատարագեց հոգ. տ. Մուշեղ վրդ. Պետիկյանը և քարոզեց «Լուսով աստուածութեան քո Քրիստոս» բնաբանով:

Ս. պատարագին ներկա էր Վեհափառ Հայրասիտը:

*
* *

Հունիսի 7-ին, շաբաթ.—Սրբոյն Գրիգորի Լուսաւորչին մերոյ ելն ի վիրապէն.

Մայր տաճարում պատարագեց արժ. տ. Մկրտիչ ավագ քհն. Մկրտչյանը:

Ս. պատարագին ներկա էր հավատացյալների հոծ բազմութիւնը:

*
* *

Հունիսի 2-ին, երկուշաբթի.—Տօն Սրբոց կուսանացն Հոփսիմեանց.

Օրվա տոնի առթիւ հանդիսավոր ս. պատարագ մատուցվեց ս. Հոփսիմեի տաճարում: Պատարագեց ս. Հոփսիմեի վանքի վանահայր հոգ. տ. Պողոս վրդ. Տեր-Նշանյանը և քարոզեց «Հոփսիմէ մեծ խորհուրդ» բնաբանով: Հավարտ ս. պատարագի միաբանութիւնը և ճեմարանի ուսանողութիւնը հյուրասիրվեցին վանահոր կողմից:

*
* *

Հունիսի 3-ին, երեքշաբթի.—Տօն Սրբոց կուսանացն Գայիանեանց:

Օրվա տոնի առթիւ ս. Գայանի տաճարում պատարագ մատուցեց արժ. տ. Նշան քհն. Բեյրիւրյանը և քարոզեց «Անձինք նուիրեալք» բնաբանով:

*
* *

Հունիսի 5-ին, հինգշաբթի.—Տօն Սրբոյն Յովհաննէս Կարապետին և Աթանագիենայ եպիսկոպոսին.

Ս. Շողակաթի տաճարում հանդիսավոր պատարագ մատուցեց արժ. տ. Հակոբ քհն. Հակոբյանը:

Հունիսի 8-ին, կիրակի.—Տօն կաթողիկէ Սրբոյ Էջմիածնի.

Մայր տաճարում պատարագեց հոգ. տ. Ներսես ծ. վրդ. Պողապալյանը և քարոզեց «Եկայք շինեսցուք սուրբ զխորանն լուսոյ» բնաբանով:

*
* *

Հունիսի 10-ին, երեքշաբթի.—Հոգևոր ճեմարանի դասախոսական կազմը և ուսանողութիւնը, տեսուչ տ. Ներսես ծ. վրդ. Պողապալյանի գլխավորութեամբ, երեքօրյա ուստազնացութեան մեկնեցին դեպի Լոռու պատական վայրերն ու հուշարձանները: Ուսանողները այցելեցին Լենինականի, Կիրովականի, Սանահնի, Հաղպատի և Սևանի վանքերն ու եկեղեցիները:

Հոգևոր ճեմարանի Ա և Բ դասարանների ուսանողները ամառային արձակուրդը կանցկացնեն իրենց ծնողների մոտ, իսկ Գ դասարանի և Ա, Բ, Գ լսարանների ուսանողները աշխատանքի կանցնեն Մայր Աթոռում, Նրեանում, Գեղարդա վանքում, Թբիլիսիի, Բաքվի և Ռոստովի հայ եկեղեցիներում:

*
* *

Հունիսի 15-ին, կիրակի.—Մայր տաճարում պատարագեց արժ. տ. Հակոբ քհն. Հակոբյանը: «Հայր մեր»-ից առաջ հոգ. տ. Ներսես Ժ. վրդ. Պողոսյանը քարոզեց «Ողորմութիւն կամիմ և ոչ զոհ» բնաբանով:

*
* *

Հունիսի 22-ին, կիրակի.—Մայր տաճարում պատարագեց և քարոզեց հոգ. տ. Ներսես Ժ. վրդ. Պողոսյանը՝ «Ի վերայ աջոյն և էջմիածնի ամենայն ազգս հայոց կապեալ կա» բնաբանով:

*
* *

Հունիսի 26-ին, ճիգզաբքի.—Սրբոց Թարգմաչացն մերոց Սահակայ և Մեսրոպայ.

Օրվա տոնի առթիվ եպիսկոպոսական հանդիսավոր ս. պատարագ մատուցվեց Օշականի ս. Մեսրոպի անվան եկեղեցում: Պատարագեց Արարատյան թեմի հայրապետական փոխանորդ գեր. տ. Վահան եպս. Տերյանը և քարոզեց «Որք զարդարեցին տնօրինարար» բնաբանով:

*
* *

Հունիսի 29-ին, կիրակի.—Գիւտ տփոյ ս. Աստուածածնի.

Օրվա տոնի առթիվ Մայր տաճարում ս. պատարագ մատուցեց արժ. տ. Նշան քհն. Բեյլերյանը:

